

Cietlonghdongz Ginhlungz Cin:

Daegsaek Bouxcuengh Henzguek Naekgywgggywg

独具壮族边民特色的金龙镇“依垌节”

□Cinz Youjcaiz ingj Sinhyungz hoiz



▲ Ngoenzciet vunz lai comz youq diezdanz vawi heia ruh hozdung.



▲ Goengsae vih gak ranz gak hoh mbaenj fuk.



▲ Vunz ndaw mbanj caeqbaiq saenzbaed caeuq goengcoj.



▲ Ngoenzciet hek daengz lai, dakdaih caez okrengz.



▲ Hozdung ngoenzciet hauj-lai yiengh, caez daeuj camgya sim angq raeuh.



▲ Ngoenzciet ciengq go eu fwen dem angqyangz.



▲ Yienhciengz caeqbaiq, foux lungz foux saeceij mbaenj fuk.



▲ Ndaw mbanj lauxnyaec cungi rox danz denheinz.

caet ngoenz neix ndawde moix ngoenz cungj miz aen daengz geij aen mbanj gvaq ciet, lumjbaenz “mbanjsaulengj” Mbanjbanjcaiz dwg youq moix bi ndwencieng cib’it gvaq ciet. Ngoenzciet, ndaw mbanj ranzranz cungj gaj gaeq daiq laeuj bae dieg gvangqbingz gyauejmbanj baij ndei caeq saenz, lij cingj goengdauh vih gak ranz gak hoh caeq saenz mbaenj fuk; gyoengq caencik beixnuengx gij mbanj doxdep haenx caemh comz daengz ndaw mbanj yawj nauhyied, gwn laeuj, camgya guh gak cungj gak yiengh vwnzdij hozdung, ciengz-mienh nauhyied hoenghhwd. Aenvih hozdung gag miz daegbied, daegsaek minzcz naekgywg, caemh hawj hauj lai conghyah yozcej, bouxiengsiengq caeuq hekyouz ganj bae yawj nauhyied, ngoenzciet couh engq mizyinx lo.

Haet ngoenzciet ranz ngamq rongh, gyoengq lauxnyaec saimbwk aen mbanj gvaq ciet caeuq gij mbanj henzgyawj haenx couh hwnqmbonq, daenj buh bonj minzcz moqsupsup cangndang gyauegetget le, doxiu doxheuh guh doih daj sei fueng bet baij byaij coh aen mbanj neix gvaq ciet, baenzneix ndaw mbanj neix couh ciemhciemh nauhyied gyukgyad hwnjdaej. Hozdung caeqbaiq sat le, vwnzdij hozdung ndawbiengz couh foenxfoenx lienghsiengq, foux lungz, gaeqdoxdoj, dwkdomq, lanz-

giuz doxdax, bengcag, diklwggienq, dwklwggayangq, doiq fwen, diuq foux minzcz daengj ndei yawj yinx vunz, moix giz cungj miz vunz humx dwk ndaetfwdfwd, sing bekwngz, sing hemq haenx mbouj dingz gvaq. Fouxfunghraiz cungj foux caenh Ginhlungz Cin gag miz neix hawj gyoengq vunzhek roxnyinh gig mizyinx, caenh raen bouxfoux longz duz “fungh” aeu faex guh gyauej aeu baengz guh ndang ndeu youq gwnz ndang, ngaem hwet goemz gyauej diuqyekyek, lij cang lumj duzgaeq nei yaep he dot gijgwn vaek doxgaiq, yaep he bae gyaep dot duzlungz duzsaeceij, yiengh-siengq dwggyaez youh dwgriu, hawj gyoengq vunzhek riuha hwnj-daeuj. Youq ngoenzneix, doiq fwen caemh dwg ceiq miz daegsaek minzcz lo, gyoengq mbausau ceiq yinx, aenvih gyoengqde mboujdan ndaej langhsing eu fwen, mbanj lij doenggvaq eu fwen ra youx dwen ndiep; seizneix cawz miz fwenyox le, gyoengq canghfwen lij aeu cungj hingz sik doiq fwen neix senhconz dangj raeuz cwngcwz ndei, haenhdanq saedceij gyaundeiz ngoenzneix, hawj gyoengqvunz daj ndaw sing fwen sepsit rwenzred haenx, dingq ok faenh simhoengz gyoengq vunzmbanj ndiepgyaez dangj caeuq guekcoj raeuz, haenhdanq saedceij vuenyungz seizneix, maqmuengh daengzcog engq vuenyungz gyaundeiz haenx.



▲ Funghraiz doq foux doq haeuj mbanj, mbaenjgouz vamiuz fungsou doenghduz maj vaiq.



▲ Mehmbwk ndaw mbanj baijyienj daemj Mancuengh.